

PRUDENTIAL BSN

TAKAFUL

Apa jua rintangan, kita harungi bersama.




PERLINDUNGAN YANG BERTERUSAN

Kanser¹ adalah salah satu masalah kesihatan utama di Malaysia. Penyakit ini telah menyebabkan kebimbangan terhadap kesihatan awam kepada semua rakyat Malaysia.

Kanser tidak dapat dijangka. Namun, apabila anda sudah membuat persediaan dari segi kewangan, anda tahu bahawa anda bersedia untuk menjalani proses pemulihan tanpa perlu risau akan kehilangan pendapatan dan setelah anda pulih, anda boleh meneruskan perjalanan untuk memenuhi impian anda.

Memperkenalkan **Cancer Plan**; plan Takaful pembaharuan tahunan yang menawarkan perlindungan **sehingga RM250,000** terhadap kanser sehingga anda berusia 70 tahun. Dengan **Cancer Plan**, anda tahu kewangan anda dilindungi dan bersama-sama, kita boleh harungi apa jua rintangan.



¹Kanser bermaksud sebarang tumor malignan yang didiagnos positif dengan pengesahan histologi dan bercirikan pertumbuhan sel malignan yang tidak terkawal dan serangan tisu. Terma tumor malignan termasuk leukemia, limfoma dan sarcoma.

BAGAIMANA CANCER PLAN MEMBERIKAN ANDA KETENANGAN MINDA?

Perlindungan Kewangan	Apabila anda disahkan menghidap kanser, anda boleh menggunakan bayaran sekaligus yang diterima untuk membiayai rawatan kanser pilihan anda atau menggunakannya sebagai pengganti pendapatan untuk menjamin kesejahteraan keluarga anda.
Senang untuk Dilanggan	Hanya jawab 2 soalan kesihatan. Lawati mana-mana cawangan Prudential BSN Takaful untuk mendaftar.
Lebih Pilihan	Tentukan sumbangan anda sendiri dari serendah RM0.08* sehari mengikut keperluan anda. <i>*Bagi lelaki bukan perokok, berumur 19 tahun (umur hari jadi akan datang), dengan jumlah perlindungan sebanyak RM20,000.</i>

BERPAKAH SUMBANGAN SAYA?

Amaun sumbangan anda adalah bergantung kepada:

- Umur
- Jumlah Perlindungan
- Jantina
- Status Merokok

Anda akan membuat pembayaran sumbangan sehingga tamat tempoh sijil dan amaun sumbangan akan berubah apabila umur anda meningkat.

SIAPAKAH YANG BOLEH MENYERTAI PELAN INI?

Anda boleh menyertai plan ini dari umur 19 tahun hingga 60 tahun.

APAKAH CAJ-CAJ DAN POTONGAN?

Cancer Plan adalah berdasarkan prinsip *Wakalah bi al-ujrah*, yang merupakan persetujuan untuk kami menguruskan sijil anda. Kami akan mengenakan *Caj Wakalah* sebagai upah kepada perkhidmatan yang disediakan. Atas dasar *Ta'awun* (bantuan bersama), kami akan meletakkan sebahagian daripada sumbangan anda selepas menolak *Caj Wakalah* sebagai *Tabarru`* (derma) ke dalam Dana *Tabarru`*.

Jadual di bawah menunjukkan butiran lanjut mengenai caj-caj dan potongan.

Caj Wakalah	Caj ini digunakan untuk membayar perbelanjaan berkaitan dengan pengurusan sijil anda. Caj ini adalah 50% daripada sumbangan anda.
Potongan Tabarru`	Amaun sumbangan selepas ditolak <i>Caj Wakalah</i> yang akan diletakkan di dalam Dana <i>Tabarru`</i> untuk membayar perlindungan takaful.

NOTA-NOTA PENTING

1. Risalah ini tidak mengikat sebarang kontrak antara anda dan **Prudential BSN Takaful Berhad (PruBSN)**. Anda dinasihatkan untuk merujuk kepada Lampiran Keterangan Produk sebelum menyertai pelan ini, dan merujuk kepada terma dan syarat di dalam dokumen sijil untuk butiran ciri-ciri penting pelan ini.
2. Ini adalah pelan takaful keluarga bertempoh yang boleh diperbaharui setiap tahun dengan menyediakan perlindungan sehingga umur 70 tahun, tertakluk pada pembaharuan. Ianya tidak menyediakan sebarang manfaat daripada Dana *Tabarru`* apabila berlaku penamatan, tamat tempoh atau kematangan sijil.
3. Sumbangan yang dibayar akan berubah mengikut umur, jantina, status merokok dan jumlah perlindungan yang dipilih. Sumbangan, Caj *Wakalah* dan Potongan *Tabarru`* adalah tidak dijamin. PruBSN boleh menyemak semula sumbangan, Caj *Wakalah* dan Potongan *Tabarru`* pada ulang tahun sijil dengan memberi 30 hari notis bertulis.
4. Terdapat tempoh rujukan percuma selama 15 hari selepas tarikh sijil dihantar bagi membolehkan semakan dibuat sekiranya ia memenuhi keperluan anda. Jika sijil dibatalkan dalam tempoh ini, PruBSN akan membayar balik sumbangan yang telah anda bayar.
5. **Cancer Plan** adalah berdasarkan persetujuan bantuan bersama (*Ta`awun*) di mana sumbangan selepas penolakan Caj *Wakalah* Pendahuluan, dikumpulkan ke dalam Dana *Tabarru`* bersama dengan sumbangan peserta-peserta yang lain untuk memberikan manfaat kewangan bersama yang boleh dibayar kepada semua peserta takaful yang layak. Berdasarkan prinsip *Wakalah bi al-ujrah*, PruBSN akan menguruskan pelan takaful anda sebagai pulangan untuk Caj-caj *Wakalah* yang tersenarai di atas.
6. Anda boleh menyerahkan sijil anda pada bila-bila masa selepas tempoh rujukan percuma. Walau bagaimanapun sijil ini tidak memberikan sebarang nilai serahan dan bayaran balik sumbangan. Sebaliknya, perlindungan anda akan diteruskan sehingga ulang tahun sijil selepas notis penyerahan sijil anda.
7. Jika anda berhenti membayar atau tidak membayar sumbangan, perlindungan anda akan ditamatkan selepas tempoh tangguh selama 30 hari dari tarikh sumbangan patut dibayar.
8. Anda berhak menerima sebarang agihan lebih daripada Dana *Tabarru`* termasuk keuntungan pelaburan (jika ada) selepas setiap akhir tahun kewangan. Bersama para peserta yang lain, anda berhak menerima 50% daripada lebih dan PruBSN akan menerima baki 50% sebagai yuran prestasi untuk menguruskan Dana *Tabarru`*. Bahagian agihan lebih anda akan dikreditkan terus ke dalam akaun anda melalui e-kredit. Amaun agihan lebih sebenar akan ditetapkan setiap tahun dan tertakluk pada kelulusan daripada Jawatankuasa Syariah dan Lembaga Pengarah PruBSN.
9. Sebarang rujukan umur adalah berdasarkan Umur Pada Hari Lahir Akan Datang.
10. Anda harus memastikan bahawa pelan ini mampu memenuhi keperluan anda. Anda juga perlu menilai kemampuan dan kesesuaian pelan mengikut matlamat kewangan anda dan risiko yang boleh diterima.
11. Untuk **Cancer Plan**, anda boleh menuntut pelepasan cukai insurans yang berkaitan, tertakluk pada terma dan syarat Lembaga Hasil Dalam Negeri (LHDN).

PENGECUALIAN

Pelan ini tidak melindungi:

1. Simptom kanser yang muncul dalam tempoh 60 hari dari tarikh permulaan.
2. Kanser yang disebabkan secara langsung atau tidak langsung oleh kewujudan Sindrom Kurang Daya Tahan Melawan Penyakit (AIDS) atau kewujudan sebarang jangkitan Human Immunodeficiency Virus (HIV).
3. Kanser yang disebabkan oleh sebarang keadaan sedia ada yang tidak didedahkan kepada PruBSN. Pengecualian ini akan digunapakai selama 12 bulan dari tarikh permulaan. Sebarang keadaan sedia ada yang tidak didedahkan kepada PruBSN selepas tempoh dua belas (12) bulan tersebut akan diambil tindakan sewajarnya mengikut Jadual 9 bagi Akta Perkhidmatan Kewangan Islam 2013.

APAKAH ITU TAKAFUL?

Suatu perkiraan yang berasaskan pertolongan secara bersama yang di bawahnya peserta takaful bersetuju untuk menyumbang kepada suatu kumpulan wang yang sama yang menyediakan manfaat kewangan bersama yang dibayar kepada peserta takaful itu atau kepada benefisiarinya pada masa berlaku sesuatu kejadian yang telah dipersetujui terdahulu.

Seksyen 2(1) Akta Perkhidmatan Kewangan Islam

Takaful diambil daripada istilah Arab '*kafala*' yang membawa erti "**Jaminan bersama**" atau **menjamin antara satu sama lain**.

Secara literal, Takaful bermaksud tanggungjawab, jaminan, dan perjanjian bersama. Secara umum, takaful diasaskan atas persetujuan kerjasama (*Ta`awun*) berdasarkan prinsip persamaan dan perpaduan, merangkumi elemen-elemen pampasan bersama dan kepentingan bersama.

Terdapat tiga (3) aspek persamaan yang terangkum dalam takaful, iaitu pertolongan bersama, tanggungjawab bersama, dan perlindungan bersama.

Apabila seseorang terlibat dalam skim takaful, dia bukan sahaja mencari perlindungan untuk dirinya, malah bekerjasama dengan peserta-peserta lain untuk sama-sama menyumbang antara satu sama lain ketika memerlukan.

PERTOLONGAN BERSAMA

**PERLINDUNGAN BERSAMA
DARIPADA KERUGIAN**

TANGGUNGJAWAB BERSAMA

Secara intipatinya, takaful adalah berasaskan prinsip "**Ta`awun**" (kerjasama/pertolongan bersama) di mana penglibatan penyertaannya adalah **Tabarru`at (kebajikan)** secara semulajadi.

PRUDENTIAL BSN

TAKAFUL

Cancer Plan adalah produk yang patuh Syariah.


Prudential BSN Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

Untuk maklumat/pertanyaan lanjut, sila hubungi:

PRUDENTIAL BSN TAKAFUL BERHAD

(No. Syarikat 200601020898 (740651-H))

Tingkat 13, Menara Prudential, Persiaran TRX Barat,
55188 Tun Razak Exchange, Kuala Lumpur.

 03 2775 7188

 customer@prubsn.com.my



SMS PruBSN dan hantarkan kepada 33080



www.facebook.com/prubsn



www.instagram.com/prubsn_official



www.linkedin.com/company/prudential-bsn-takaful-berhad



Prudential BSN Takaful Berhad ialah ahli Perbadanan Insurans Deposit Malaysia (PIDM). Sebagai ahli PIDM, sebahagian daripada manfaat yang dilindungi di bawah sijil takaful yang ditawarkan oleh Prudential BSN Takaful Berhad dilindungi daripada kehilangan sebahagian atau kesemua manfaat takaful oleh PIDM, sekiranya berlaku kegagalan Pengendali Takaful. Untuk maklumat lanjut mengenai had dan skop perlindungan ini, sila dapatkan risalah maklumat PIDM daripada Prudential BSN Takaful Berhad atau layari laman web PIDM (www.pidm.gov.my) atau hubungi talian bebas tol PIDM (1-800-88-1266).

Penting: Anda seharusnya berpuas hati bahawa produk ini mampu memenuhi keperluan anda dan sumbangan yang dibayar di bawah sijil ini merupakan jumlah yang anda mampu bayar.

Semua maklumat adalah betul semasa penerbitan. Diterbitkan April 2023.